



Deddf Casglu a Rheoli Trethi (Cymru) 2016

2016 dccc 6

RHAN 5

COSBAU

PENNOD 3

COSBAU AM ANGHYWIRDEBAU

Cosbau am anghywirdebau mewn dogfennau

129 Cosb am anghywirdeb mewn dogfen a roddir i ACC

- (1) Mae person yn agored i gosb pan fo—
 - (a) y person yn rhoi dogfen i ACC, a
 - (b) amodau 1 a 2 wedi eu bodloni.
- (2) Amod 1 yw bod y ddogfen yn cynnwys anghywirdeb sy'n gyfystyr â'r canlynol, neu'n arwain at y canlynol—
 - (a) tanddatganiad o rwymedigaeth i dreth ddatganoledig,
 - (b) datganiad ffug neu ormodol o golled sy'n ymwneud â threth ddatganoledig,
F1
...
 - (c) hawliad ffug neu ormodol am ad-daliad o dreth ddatganoledig [F2, neu
 - (d) hawliad ffug neu ormodol am gredyd treth.]
- (3) Amod 2 yw bod yr anghywirdeb yn fwriadol neu'n ddiotal ar ran y person.
- (4) Mae anghywirdeb yn ddiotal ar ran person os gellir ei briodoli i fethiant y person i gymryd gofal rhesymol.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

- (5) Mae anghywirdeb nad oedd yn fwriadol nac yn ddiotal ar ran person pan roddwyd y ddogfen i'w drin fel un diotal—
- os darganfu'r person yr anghywirdeb yn ddiweddarach, a
 - os na chymerodd y person gamau rhesymol i roi gwybod i ACC.
- (6) Pan fo dogfen yn cynnwys mwy nag un anghywirdeb y bodlonir amodau 1 a 2 mewn cysylltiad â hwy, mae'r person yn agored i gosb am bob anghywirdeb o'r fath.

Diwygiadau Testunol

- F1** Gair yn [a. 129\(2\)](#) wedi ei hepgor (1.4.2018) yn rhinwedd [Rheoliadau Treth Gwarediadau Tirlenwi \(Gweinyddu\) \(Cymru\) 2018 \(O.S. 2018/101\)](#), rhl. 1(2), **Atod. para. 29(a)**
- F2** [A. 129\(2\)\(d\)](#) ac gair wedi ei fewnosod (1.4.2018) gan [Rheoliadau Treth Gwarediadau Tirlenwi \(Gweinyddu\) \(Cymru\) 2018 \(O.S. 2018/101\)](#), rhl. 1(2), **Atod. para. 29(b)**

Gwybodaeth Cychwyn

- I1** [A. 129](#) ddim mewn grym ar y Cydsyniad Brenhinol, gweler [a. 194\(2\)](#)
- I2** [A. 129](#) mewn grym ar 1.4.2018 gan [O.S. 2018/33](#), **ergl. 3**

130 Swm y gosb am anghywirdeb mewn dogfen a roddir i ACC

- (1) Y gosb am anghywirdeb bwriadol yw [^{F3}swm heb fod yn fwy na] 100% o'r refeniw posibl a gollir.
- (2) Y gosb am anghywirdeb diotal yw [^{F4}swm heb fod yn fwy na] 30% o'r refeniw posibl a gollir.

Diwygiadau Testunol

- F3** Geiriau yn [a. 130\(1\)](#) wedi eu mewnosod (1.4.2018) gan [Deddf Treth Trafodiadau Tir a Gwrthweithio Osgoi Trethi Datganoledig \(Cymru\) 2017 \(anaw 1\)](#), [a. 81\(2\)\(3\)](#), **Atod. 23 para. 48(a)**; [O.S. 2018/34](#), **ergl. 3**
- F4** Geiriau yn [a. 130\(2\)](#) wedi eu mewnosod (1.4.2018) gan [Deddf Treth Trafodiadau Tir a Gwrthweithio Osgoi Trethi Datganoledig \(Cymru\) 2017 \(anaw 1\)](#), [a. 81\(2\)\(3\)](#), **Atod. 23 para. 48(b)**; [O.S. 2018/34](#), **ergl. 3**

Gwybodaeth Cychwyn

- I3** [A. 130](#) ddim mewn grym ar y Cydsyniad Brenhinol, gweler [a. 194\(2\)](#)
- I4** [A. 130](#) mewn grym ar 1.4.2018 gan [O.S. 2018/33](#), **ergl. 3**

131 Gohirio cosb am anghywirdeb diotal

- (1) Caiff ACC ohirio cosb gyfan neu ran o gosb am anghywirdeb diotal o dan adran 129 drwy ddyroddi hysbysiad i'r person sy'n agored i'r gosb.
- (2) Rhaid i'r hysbysiad bennu—
- pa ran o'r gosb sydd i'w gohirio,
 - cyfnod gohirio nad yw'n hwy na 2 flynedd, ac
 - amodau gohirio y mae'n rhaid i'r person gydymffurfio â hwy.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

- (3) Ni chaiff ACC ohirio cosb gyfan neu ran o gosb oni fyddai cydymffurfio ag amod gohirio yn helpu'r person i osgoi dod yn agored i gosbau pellach o dan adran 129 am anghywirdeb diofal.
- (4) Caiff amod gohirio bennu—
 - (a) cam sydd i'w gymryd, a
 - (b) cyfnod ar gyfer cymryd y cam hwnnw.
- (5) Pan ddaw'r cyfnod gohirio i ben—
 - (a) os yw'r person yn bodloni ACC y cydymffurfiwyd â'r amodau gohirio, caiff y gosb neu'r rhan a ohiriwyd ei chanslo, a
 - (b) fel arall, daw'r gosb neu'r rhan a ohiriwyd yn daladwy.
- (6) Os yw'r person, yn ystod cyfnod gohirio cosb gyfan neu ran o gosb sy'n daladwy o dan adran 129, yn dod yn agored i gosb arall o dan yr adran honno, daw'r gosb neu'r rhan a ohiriwyd yn daladwy.

Gwybodaeth Cychwyn

I5 A. 131 ddim mewn grym ar y Cydsyniad Brenhinol, gweler [a. 194\(2\)](#)

I6 [A. 131](#) mewn grym ar 1.4.2018 gan [O.S. 2018/33](#), [ergl. 3](#)

132 Cosb am anghywirdeb bwriadol mewn dogfen a roddir i ACC gan berson arall

- (1) Mae person (y cyfeirir ato yn yr adran hon fel “person A”) yn agored i gosb pan fo—
 - (a) person arall yn rhoi dogfen i ACC,
 - (b) y ddogfen yn cynnwys anghywirdeb perthnasol, ac
 - (c) yr anghywirdeb i'w briodoli—
 - (i) i berson A yn darparu gwybodaeth ffug i'r person arall yn fwriadol (boed yn uniongyrchol neu'n anuniongyrchol), neu
 - (ii) i berson A yn atal gwybodaeth yn fwriadol rhag y person arall, gyda'r bwriad bod y ddogfen yn cynnwys yr anghywirdeb.
- (2) Mae “anghywirdeb perthnasol” yn anghywirdeb sy'n gyfystyr ag, neu'n arwain at—
 - (a) tanddatganiad o rwymedigaeth i dreth ddatganoledig,
 - (b) datganiad ffug neu ormodol o golled sy'n ymwneud â threth ddatganoledig,
F5
...
 - (c) hawliad ffug neu ormodol am ad-daliad o dreth ddatganoledig [F6, neu
 - (d) hawliad ffug neu ormodol am gredyd treth.]
- (3) Mae person A yn agored i gosb o dan yr adran hon mewn cysylltiad ag anghywirdeb pa un a yw'r person arall yn agored i gosb ai peidio o dan adran 129 mewn perthynas â'r un anghywirdeb.
- (4) Y gosb sy'n daladwy o dan yr adran hon yw [F7 100% o'r refeniw posibl a gollir.]

Diwygiadau Testunol

F5 Gair yn [a. 132\(2\)](#) wedi ei hepgor (1.4.2018) yn rhinwedd [Rheoliadau Treth Gwarediadau Tirlenwi \(Gweinyddu\) \(Cymru\) 2018 \(O.S. 2018/101\)](#), rhl. 1(2), [Atod. para. 30\(a\)](#)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

- F6** A. 132(2)(d) ac gair wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 30(b)**
- F7** Geiriau yn a. 132(4) wedi eu mewnosod (1.4.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 49**; O.S. 2018/34, ergl. 3

Gwybodaeth Cychwyn

- I7** A. 132 ddim mewn grym ar y Cydsyniad Brenhinol, gweler **a. 194(2)**
- I8** A. 132 mewn grym ar 1.4.2018 gan O.S. 2018/33, **ergl. 3**

Cosb am fethu â hysbysu ynghylch tanasesiad etc.

133 Cosb am fethu â hysbysu ynghylch tanasesiad neu danddyfarniad

- (1) Mae person yn agored i gosb pan fo—
- asesiad ACC yn tanddatgan rhwymedigaeth y person i dreth ddatganoledig, a
 - y person wedi methu â chymryd camau rhesymol i hysbysu ACC, o fewn y cyfnod o 30 o ddiwrnodau sy'n dechrau â'r diwrnod y dyroddir yr hysbysiad am yr asesiad, ei fod yn danasesiad.
- [^{F8}(1A) Mae person hefyd yn agored i gosb pan fo—
- asesiad ACC o dan adran 55A yn tanddatgan y swm y mae'n ofynnol i'r person ei dalu i ACC, a
 - y person wedi methu â chymryd camau rhesymol i hysbysu ACC, o fewn y cyfnod o 30 o ddiwrnodau sy'n dechrau â'r diwrnod y dyroddir yr hysbysiad am yr asesiad, ei fod yn danasesiad.]
- (2) Wrth benderfynu pa gamau (os o gwbl) a oedd yn rhesymol, rhaid i ACC ystyried pa un a wyddai'r person am y tanasesiad, neu a ddylai fod wedi gwybod amdano.
- (3) Y gosb sy'n daladwy o dan yr adran hon yw [^{F9}swm heb fod yn fwy na] 30% o'r refeniw posibl a gollir.
- (4) Yn yr adran hon—
- mae “asesiad ACC” yn cynnwys dyfarniad a wnaed gan ACC o dan adran 52, a
 - yn unol â hynny, mae cyfeiriadau yn y Bennod hon at danasesiad yn cynnwys cyfeiriadau at danddyfarniad.

Diwygiadau Testunol

- F8** A. 133(1A) wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 31**
- F9** Geiriau yn a. 133(3) wedi eu mewnosod (1.4.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 50**; O.S. 2018/34, ergl. 3

Gwybodaeth Cychwyn

- I9** A. 133 ddim mewn grym ar y Cydsyniad Brenhinol, gweler **a. 194(2)**
- I10** A. 133 mewn grym ar 1.4.2018 gan O.S. 2018/33, **ergl. 3**

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

Refeniw posibl a gollir

134 Ystyr “refeniw posibl a gollir”

Yn y Bennod hon, mae i “refeniw posibl a gollir” yr ystyr a roddir gan adrannau 135 i 138.

Gwybodaeth Cychwyn

- I11** A. 134 ddim mewn grym ar y Cydsyniad Brenhinol, gweler **a. 194(2)**
I12 A. 134 mewn grym ar 1.4.2018 gan O.S. 2018/33, **ergl. 3**

135 Refeniw posibl a gollir: y rheol arferol

- (1) Y “refeniw posibl a gollir” mewn cysylltiad ag—
- anghywirdeb mewn dogfen (gan gynnwys anghywirdeb sydd i’w briodoli i ddarparu gwybodaeth ffug neu atal gwybodaeth), neu
 - methiant i hysbysu ynghylch tanasesiad,
- yw’r swm ychwanegol sy’n daladwy mewn cysylltiad â threth ddatganoledig [^{F10}neu gredyd treth] o ganlyniad i gywiro’r anghywirdeb neu’r tanasesiad.
- (2) Mae’r cyfeiriad yn is-adran (1) at y swm ychwanegol sy’n daladwy yn cynnwys cyfeiriad at—
- swm sy’n daladwy i ACC wedi iddo gael ei dalu drwy gamgymeriad ar ffurf ad-daliad o dreth ddatganoledig, ^{F11}...
 - swm a fyddai wedi bod i’w ad-dalu gan ACC pe na byddai’r anghywirdeb neu’r tanasesiad wedi ei gywiro, [^{F12}ac
 - swm y byddai wedi bod yn ofynnol i ACC ei osod yn erbyn atebolrwydd person i dreth, neu ei dalu i berson, pe na bai’r anghywirdeb neu’r tanasesiad wedi ei gywiro.]

Diwygiadau Testunol

- F10** Geiriau yn **a. 135(1)** wedi eu mewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rh. 1(2), **Atod. para. 32(2)**
F11 Gair yn **a. 135(2)** wedi ei hepgor (1.4.2018) yn rhinwedd Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rh. 1(2), **Atod. para. 32(3)(a)**
F12 A. 135(2)(c) ac gair wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rh. 1(2), **Atod. para. 32(3)(b)**

Gwybodaeth Cychwyn

- I13** A. 135 ddim mewn grym ar y Cydsyniad Brenhinol, gweler **a. 194(2)**
I14 A. 135 mewn grym ar 1.4.2018 gan O.S. 2018/33, **ergl. 3**

136 Refeniw posibl a gollir: camgymeriadau lluosog

- (1) Pan fo person yn agored i gosb o dan adran 129 mewn cysylltiad â mwy nag un anghywirdeb, a bod y cyfrifiad o’r refeniw posibl a gollir o dan adran 135 mewn cysylltiad â phob anghywirdeb yn dibynnu ar y drefn y cânt eu cywiro, dylid cymryd bod anghywirdebau diofal yn cael eu cywiro cyn anghywirdebau bwriadol.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

- (2) Wrth gyfrifo refeniw posibl a gollir pan fo person yn agored i gosb o dan adran 129 mewn cysylltiad ag un neu ragor o danddatganiadau mewn un neu ragor o ddogfennau sy'n ymwneud â chyfnod treth [^{F13}, trafodiad neu hawliad am gredyd treth], rhaid rhoi ystyriaeth i unrhyw orddatganiadau mewn unrhyw ddogfen a roddwyd gan y person sy'n ymwneud â'r un cyfnod treth [^{F14}, trafodiad neu hawliad am gredyd treth].
- (3) Yn is-adran (2)—
- ystyr “tanddatganiad” yw anghywirdeb sy'n bodloni amod 1 yn adran 129, a
 - ystyr “gorddatganiad” yw anghywirdeb nad yw'n bodloni'r amod hwnnw.
- (4) At ddibenion is-adran (2), mae gorddatganiadau i'w gosod yn erbyn tanddatganiadau yn y drefn a ganlyn—
- tanddatganiadau nad yw'r person yn agored i gosb mewn cysylltiad â hwy,
 - tanddatganiadau diofal, ac
 - tanddatganiadau bwriadol.
- (5) Wrth gyfrifo, at ddibenion cosb o dan adran 129, refeniw posibl a gollir mewn cysylltiad â dogfen a roddwyd gan berson neu ar ran person, ni ddylid ystyried y ffaith fod refeniw posibl a gollir gan berson i'w wrthbwyso, neu y caniateir ei wrthbwyso, gan ordaliad posibl gan berson arall (ac eithrio i'r graddau y mae deddfiad yn ei gwneud yn ofynnol bod rhwymedigaeth person i dreth ddatganoledig yn cael ei haddasu drwy gyfeirio at rwymedigaeth person arall i dreth ddatganoledig).

Diwygiadau Testunol

F13 Geiriau yn a. 136(2) wedi eu hamnewid (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 33(a)**

F14 Geiriau yn a. 136(2) wedi eu hamnewid (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 33(b)**

Gwybodaeth Cychwyn

I15 A. 136 ddim mewn grym ar y Cydsyniad Brenhinol, gweler a. 194(2)

I16 A. 136 mewn grym ar 1.4.2018 gan O.S. 2018/33, **ergl. 3**

137 Refeniw posibl a gollir: colledion

- (1) Pan fo anghywirdeb yn arwain at gofnodi colled yn anghywir at ddibenion treth ddatganoledig a bod y golled wedi ei defnyddio'n llwyr i ostwng y swm sy'n daladwy mewn cysylltiad â'r dreth honno, cyfrifir y refeniw posibl a gollir yn unol ag adran 135.
- (2) Pan fo anghywirdeb yn arwain at gofnodi colled yn anghywir at ddibenion treth ddatganoledig ac nad yw'r golled wedi ei defnyddio'n llwyr i ostwng y swm sy'n daladwy mewn cysylltiad â'r dreth honno, y refeniw posibl a gollir yw—
- y refeniw posibl a gollir wedi ei gyfrifo yn unol ag adran 135 mewn cysylltiad ag unrhyw ran o'r golled a ddefnyddiwyd i ostwng y swm sy'n daladwy mewn cysylltiad â'r dreth honno, ynghyd â
 - 10% o unrhyw ran nas defnyddiwyd.
- (3) Mae is-adrannau (1) a (2) yn gymwys i'r canlynol fel ei gilydd—
- achos pan na fyddai unrhyw golled wedi ei chofnodi oni bai am yr anghywirdeb, a

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

- (b) achos pan fyddai swm gwahanol o golled wedi ei gofnodi (ond yn yr achos hwnnw nid yw is-adrannau (1) a (2) ond yn gymwys i'r gwahaniaeth rhwng y swm a gofnodwyd a'r gwir swm).
- (4) Mae'r refeniw posibl a gollir mewn cysylltiad â cholled yn ddim pan na fo unrhyw obaith rhesymol, oherwydd natur y golled neu amgylchiadau'r person y mae'r dreth ddatganoledig i'w chodi arno, y defnyddir y golled i gefnogi hawliad i ostwng rhwymedigaeth unrhyw berson i'r dreth honno.

Gwybodaeth Cychwyn

I17 A. 137 ddim mewn grym ar y Cydsyniad Brenhinol, gweler [a. 194\(2\)](#)

I18 A. 137 mewn grym ar 1.4.2018 gan [O.S. 2018/33](#), [ergl. 3](#)

138 Refeniw posibl a gollir: treth oediedig

- (1) Pan fo anghywirdeb wedi arwain at ddatgan swm o dreth ddatganoledig yn hwyrach nag y dylid ("y dreth oediedig"), y refeniw posibl a gollir yw—
- (a) 5% o'r dreth oediedig am bob blwyddyn o'r oedi;
- (b) canran o'r dreth oediedig, ar gyfer pob cyfnod oedi o lai na blwyddyn, sy'n cyfateb i 5% y flwyddyn.
- (2) Nid yw'r adran hon yn gymwys i achos y mae adran 137 yn gymwys iddo.

Gwybodaeth Cychwyn

I19 A. 138 ddim mewn grym ar y Cydsyniad Brenhinol, gweler [a. 194\(2\)](#)

I20 A. 138 mewn grym ar 1.4.2018 gan [O.S. 2018/33](#), [ergl. 3](#)

Cosbau o dan Bennod 3: cyffredinol

139 Gostwng cosb o dan Bennod 3 am ddatgelu

- (1) Caiff ACC ostwng cosb sy'n daladwy o dan y Bennod hon pan fo person yn gwneud datgeliad cymwys.
- (2) Ystyr "datgeliad cymwys" yw datgelu—
- (a) anghywirdeb sy'n berthnasol i rwymedigaeth person i dreth ddatganoledig,
- (b) bod gwybodaeth ffug wedi ei darparu, neu wybodaeth wedi ei hatal, sy'n berthnasol i rwymedigaeth person i dreth ddatganoledig, ^{F15}...
- (c) methiant i ddatgelu tanasesiad mewn cysylltiad â threth ddatganoledig,
- [^{F16}(d) anghywirdeb sy'n berthnasol i hawlogaeth person i gredyd treth neu atebolrwydd person i dalu swm mewn cysylltiad â chredyd treth,
- (e) bod gwybodaeth ffug wedi ei darparu, neu wybodaeth wedi ei hatal, sy'n berthnasol i hawlogaeth person i gredyd treth neu atebolrwydd person i dalu swm mewn cysylltiad â chredyd treth, neu
- (f) methiant i ddatgelu tanasesiad mewn cysylltiad ag atebolrwydd person i dalu swm mewn cysylltiad â chredyd treth.]
- (3) Mae person yn gwneud datgeliad cymwys drwy—

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

- (a) dweud wrth ACC amdano,
 - (b) rhoi cymorth rhesymol i ACC wrth feintoli—
 - (i) yr anghywirdeb,
 - (ii) yr anghywirdeb sydd i'w briodoli i ddarparu gwybodaeth ffug neu gelu gwybodaeth, neu
 - (iii) y tanasesiad, ac
 - (c) caniatáu i ACC weld cofnodion at ddiben sicrhau bod—
 - (i) yr anghywirdeb,
 - (ii) yr anghywirdeb sydd i'w briodoli i ddarparu gwybodaeth ffug neu atal gwybodaeth, neu
 - (iii) y tanasesiad,
 yn cael ei gywiro'n llawn.
- (4) Wrth ostwng cosb o dan yr adran hon, caiff ACC ystyried—
- (a) pa un a oedd y datgeliad wedi ei gymell neu'n ddigymell, a
 - (b) ansawdd y datgeliad.
- (5) Mae datgelu gwybodaeth berthnasol—
- (a) yn “ddigymell” os caiff ei wneud ar adeg pan nad oes gan y person sy'n datgelu unrhyw reswm i gredu bod ACC wedi darganfod neu ar fin darganfod yr anghywirdeb, bod gwybodaeth ffug wedi ei darparu neu bod gwybodaeth wedi ei hatal, neu'r tanasesiad, a
 - (b) fel arall, “wedi ei gymell”.
- (6) Mae “ansawdd”, mewn perthynas â datgelu, yn cynnwys amseriad, natur a graddau.

Diwygiadau Testunol

F15 Gair yn a. 139(2) wedi ei hepgor (1.4.2018) yn rhinwedd Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 34(a)**

F16 A. 139(2)(d)-(f) wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 34(b)**

Gwybodaeth Cychwyn

I21 A. 139 ddim mewn grym ar y Cydsyniad Brenhinol, gweler **a. 194(2)**

I22 A. 139 mewn grym ar 1.4.2018 gan O.S. 2018/33, **ergl. 3**

140 Gostyngiad arbennig i gosb o dan Bennod 3

- (1) Caiff ACC ostwng cosb o dan y Bennod hon os yw'n credu ei bod yn iawn gwneud hynny oherwydd amgylchiadau arbennig.
- (2) Yn is-adran (1), nid yw “amgylchiadau arbennig” yn cynnwys—
 - (a) gallu i dalu, na
 - (b) y ffaith fod refeniw posibl a gollir gan un person yn cael ei wrthbwysu gan ordaliad posibl gan berson arall.
- (3) Yn is-adran (1), mae'r cyfeiriad at ostwng cosb yn cynnwys cyfeiriad at—
 - (a) dileu cosb yn llwyr,
 - (b) gohirio cosb, ac

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

- (c) cytuno ar gyfaddawd mewn perthynas ag achos yn ymwneud â chosb.
- (4) Yn yr adran hon, mae cyfeiriadau at gosb yn cynnwys cyfeiriadau at unrhyw log mewn perthynas â chosb.

Gwybodaeth Cychwyn

I23 A. 140 ddim mewn grym ar y Cydsyniad Brenhinol, gweler **a. 194(2)**

I24 A. 140 mewn grym ar 1.4.2018 gan **O.S. 2018/33, ergl. 3**

141 Asesu cosbau o dan Bennod 3

- (1) Pan ddaw person yn agored i gosb o dan y Bennod hon, rhaid i ACC—
- asesu'r gosb,
 - dyroddi hysbysiad i'r person o'r gosb a aseswyd, ac
 - datgan yn yr hysbysiad ar gyfer pa gyfnod [^{F17}, trafodiad neu hawliad am gredyd treth] yr aseswyd y gosb.
- (2) Caniateir cyfuno asesiad o gosb o dan y Bennod hon ac asesiad o dreth ddatganoledig.
- (3) Rhaid gwneud asesiad o gosb o dan adran 129 neu 132 cyn diwedd y cyfnod o 12 mis sy'n dechrau—
- â diwedd y cyfnod apelio ar gyfer y penderfyniad sy'n cywiro'r anghywirdeb, neu
 - os nad oes asesiad o'r dreth o dan sylw o ganlyniad i'r penderfyniad hwnnw, â'r diwrnod y caiff yr anghywirdeb ei gywiro.
- (4) Rhaid gwneud asesiad o gosb o dan adran 133 cyn diwedd y cyfnod o 12 mis sy'n dechrau—
- â diwedd y cyfnod apelio ar gyfer yr asesiad treth a oedd yn cywiro'r tanddatganiad, neu
 - os nad oes asesiad sy'n cywiro'r tanddatganiad, â'r diwrnod y caiff y tanddatganiad ei gywiro.
- (5) Yn is-adrannau (3) a (4), ystyr “cyfnod apelio” [^{F18}yw]—
- os na wneir apêl, y cyfnod y gellid gwneud apêl, a
 - os gwneir apêl, y cyfnod sy'n dod i ben pan gaiff ei dyfarnu'n derfynol neu ei thynnu'n ôl.
- (6) Yn ddarostyngedig i is-adrannau (3) a (4), caniateir gwneud asesiad atodol mewn cysylltiad â chosb o dan y Bennod hon os oedd asesiad cynharach yn gweithredu drwy gyfeirio at danddatganiad o'r refeniw posibl a gollir.

Diwygiadau Testunol

F17 Geiriau yn **a. 141(1)(c)** wedi eu hamnewid (1.4.2018) gan **Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101)**, rhl. 1(2), **Atod. para. 35**

F18 Geiriau yn **a. 141(5)** wedi eu hepgor (1.4.2018) yn rhinwedd **Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1)**, a. 81(2)(3), **Atod. 23 para. 51**; O.S. 2018/34, ergl. 3

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3. (See end of Document for details)

Gwybodaeth Cychwyn

- I25** A. 141 ddim mewn grym ar y Cydsyniad Brenhinol, gweler **a. 194(2)**
I26 A. 141 mewn grym ar 1.4.2018 gan O.S. 2018/33, **ergl. 3**

Dehongli

142 Dehongli Pennod 3

Yn y Bennod hon—

- (a) mae cyfeiriad at roi dogfen i ACC yn cynnwys—
- (i) cyfeiriad at gyfleu gwybodaeth i ACC ar unrhyw ffurf ac mewn unrhyw fodd (boed drwy'r post, ffacs, e-bost, ffôn neu fel arall), a
 - (ii) cyfeiriad at wneud datganiad mewn dogfen;
- (b) mae cyfeiriad at ddychwelyd ffurflen dreth neu at wneud unrhyw beth mewn perthynas â ffurflen dreth yn cynnwys cyfeiriad at ddiwygio ffurflen dreth neu at wneud unrhyw beth mewn perthynas â ffurflen dreth ddiwygiedig;
- (c) mae cyfeiriad at golled yn cynnwys cyfeiriad at dâl, traul, diffyg ac unrhyw swm arall a all fod ar gael ar gyfer didyniad neu [^{F19}ryddhad], neu y gellir dibynnu arno er mwyn hawlio didyniad neu [^{F19}ryddhad];
- (d) mae cyfeiriad at weithred yn cynnwys cyfeiriad at anweithred.

Diwygiadau Testunol

- F19** Gair yn **a. 142(c)** wedi ei amnewid (1.4.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 52**; O.S. 2018/34, **ergl. 3**

Gwybodaeth Cychwyn

- I27** A. 142 ddim mewn grym ar y Cydsyniad Brenhinol, gweler **a. 194(2)**
I28 A. 142 mewn grym ar 1.4.2018 gan O.S. 2018/33, **ergl. 3**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, PENNOD 3.